

梅亭先生四六標準

十二

四
六
標
準





梅亭先生四六標準卷之三十九

賀正

賀嗣秀王師揆正

斗攜龍角又頒羲仲之春雪蒲兔園請賦梁王之
壽惟某官宗藩明德政路崇班慶襲璿源默應
璿璿之運寶分玉帶益調玉燭之和宜從桃韋之
辰丕介椿松之祉某愧無善頌可賀履端曳鄒陽
之裾方規旅進授司馬之簡更佩謙光

賀史丞相正

代董制置

鳳紀更端復對戊寅之曆龍躔回次又新甲乙之
司時維元勳坐膺純嘏恭惟某官勲高王室忠簡
帝心以道德而位三公應千載明良之運理陰陽
而遂萬物成十年生聚之功宜誕受於春祺用永
扶於皇極其一違鈞範五見歲華身在西陲阻效
椒觴之祝神馳東閣輒輸竹簡之誠

賀鄭參政

曾樞密正

代董制置

三陽交泰驗正月之始和五福照臨瞻輔星而有
耀宜介簡穰之慶用彰弼亮之功恭惟某官德協
春溫氣排冬凜炎贊陶鈞之化曾云樞允釐百工
沈潛帷幄之謀折衝千里宜對青規之旦亟登黃



閣之榮其一自西來五逢朔易吳蜀萬里未由稱
壽於椒觴蕭曹同心所願垂光於竹帛

賀制置安撫正辛卯

太歲在辛令豫孚於三甲吉日維戊春先撫於五
辰相維玉帳之壽對越璇璣之運恭惟某官川流
厚化山立陽休仁行而春爲青規而園萬物剛養
其氣轉洪鈞以壽八荒聊賦顧兔追龍蛇之詩更
均蠶叢及魚鳧之福問訊梅邊之味亟催花底之
朝未辱比陳人尚棲故壘千林有喜固忻捲賀燕
之簾三徑就荒已願返屠羊之肆

賀黃制置正

送赴壑之鱗喜避蛇於劔閣振治兵之甲行歸馬
於華陽啓寅車之勞還回午門而愷奏恭惟某官
盛心懿識惠氣威風橫腰下之黃升作眉間之色
推腹中之赤立爲城上之祥噓師律而黍生播民
和於麥實紅塵晝靖不妨圍夜觀之棊紫禁春回
會歸押曉班之仗某又看新曆真是陳人騎火照
山紅遙想元功之壘賞雲嶺界天白何時尊酒以
重論

賀諸司正庚寅

知榮州作

庚寅孟陬六十齡之復見甲子朔旦四五紀之罕
逢其在皇皇之華宜膺簡簡之福恭惟某官德潛
天粹政播民和圓萬物以青規之仁厥臨孔惠轉
八荒於洪鈞之氣其泰大來盤既頌於椒花戶益
蟠於桃實某得州斗絕觸緒冰寒多且盲盲且多
不敢貢茹柴之釀熾而昌昌而熾但知祝椿柏之
祺頌倏惟深敷陳罔既

賀曾安撫從龍正

三統肇子運開豐楙之辰萬物出寅律應棣通之
會維時重德茂擁嘒祺恭惟某官得天委和行地
載厚望公如歲便當晝對於延英與物爲春可但
曉行於湘水南人不復反矣東山以公歸兮某投
老黃塵佐州黔鄙願開壽域使無不達之勾萌尚
念荒莊俾預向陽之花木

賀監司正

日月初躔星紀復回於赤奮地天交泰雲墟益播
於青陽時惟六轡之華茂輯百嘉之慶恭惟某官
德潛剛克道配陽休繡斧淑旂暫勸楚鄉之農事
瑤車玉軼還逢湘水之孟陬仁風轉蕙以汎蘭善
類拔茅而連茹某二年黔佐萬斛緇塵破崖岸而

爲文丞詎復敢喧於櫪馬瞻原隰之有華使尚祈
出送於土牛

賀總領運使正

歲在元辛承以長生之兔日維吉戊臨于正旦之
雞載維四牡之有功定促八鸞之入覲恭惟某官
陽休山立大德川流福星臨參井之墟民無遺便
卿月代房心之次帝有恩言三陽茅拔以茹連百
祿竹苞而松茂其尚棲舊蔭又見新年兩鬢霜濃
難望東風之解凍一犁雨足願從南畝以歸耕

賀總領正

標三二九

陽春肇始是生萬物之輝王人載馳曷序諸侯之
上介穰穰之福以稱皇皇之華恭惟某官清徹
冰壺和鍾玉律錦衣諭蜀榮弩矢之前驅繡斧控
荆慰樵蘇之後爨履端於始何福不臻某濫守竹
符阻持椒斝木牛坐運送寒寧假於土牛櫪馬交
喧召見即登於金馬

賀王總領正

鉛

陽春生萬物之輝維其時矣王人序諸侯之上何
以予之宜對三陽茂綏百福恭惟某官清標冰峙
和氣緹溫給餽江流聊總木牛之運揚鑣天路即

符櫪馬之喧某濫守竹符良蒙越蔭太元八十一
首又觀頒朔之新廣成千二百年請致脩身之祝

賀林總領正

祖洽

代何尚書作

歲統開端茂歲始和之吉王人共命肇迎滋至之
休恭惟某官望重持荷功高輓粟三陽謹始時已
進於泰交一札遄歸寵益新於渙渥某又看新曆
真是陳人道阻且長缺致椒觴之慶儀圖莫助載
馳竿牘之恭

賀安總領正

炎仲

國典待來歲之宜元正啓祚王人序諸侯之上壽

原三二

五

考維祺况峙魯侯之糗糧均啖安期之瓜棗恭惟
某官氣排冬凜德配春融寒送土牛坐斡木牛之
運飽喧櫪馬行觀銅馬之降梅放柳舒竹苞松茂
總領甚稱上意式副師征朋亡得尚中行共扶泰
道某尚蒙戍雪未解漕冰糴穀湟中所願丘山之
暴暴轉粟天上更宣原隰之皇皇

賀李提刑正

錫

重光單闕載新一歲之元五善六條誕布九重之
意與時偕極何福不臻恭惟某官德配春融氣排
冬凜徧儀兵衛之畫戟出當霄漢之繡衣皇皇者

華遣使臣喚起曲肱之夢行行且止避御史通觀
直指之威仁風梅放以柳舒和氣竹苞而松茂某
自怜苦李獲掃甘棠我有二天正託故人之芘士
更三日尚希舊雨之恩

賀周提刑正

代董侍郎

青帝執規驗三陽之引達繡衣持斧新六轡之光
華諒對端辰益裒純嘏恭惟某官氣鍾溫厚德尚
和同苞栩逶遲又逢梅於嶺驛甘棠蔽芾還鞠草
於園扉佇有召除亟登要近某罔功分閫有幸為
寮對天地交泰之時當馳善頌體官師相規之義
正賴協恭

賀提刑正

六螭迴轄日又出於嶠夷四牡載馳春徧行於湘
水端陽旣達純嘏其裒恭惟某官稟氣中和與時
消息皇華原隰之上暫借平反清切雨露之邊即
司獻納某濫陪結綬莫獲稱觴霆聲發榮共擊洲
之宿莽星言夙駕願揔轡於扶桑

賀游提刑正

作

九十春光稱霄漢繡衣之立三千夏辟補日月黃
道之明時哉泰內之亨天只咸中之慶恭惟某官

臯陶明允世叔討論發白獸之樽尚存諫紙拜碧
雞之使暫擁節旄對六龍回日之標奏四牡觀風
之最脩鱗赴壑已知夕避於長蛇召駟追鋒即作
朝來之走馬其一寒戍雪獨冷漕冰傍有一株儻
庇無言之苦李用兼庶獄惟依所芟之甘棠

賀林提舉正

行知

代衛參

六螭御日曆正義嶠四牡觀風春回楚澤其在皇
皇之轡宜膺嘒嘒之祺恭惟某官政得陽和氣排
久凜周爰咨度使星已驗於回天胡不均弘卿月
無勞於閱歲與時偕極何福不臻某盥手竹符阻

樞三二

持椒斝籥周甲極知媿見於葦桃盤薦五辛尚
託味同之草木

賀趙提舉正

汝談
乙酉

春王三朝元加于歲使臣五善帝降之祥諒當道
長之辰即副公歸之望恭惟某官小宗繼別大雅
不羣氣貫斗牛久鬱長庚之焰星回奎壁即吹太
乙之燈行將擊麟趾之風詎止詠兔園之雪某密
依樾蔭又見挑符喧馬盍簪固已甘立仗之斥畫
雞貼戶詎更思失旦之鳴

賀薛知府正

乙酉

乞漿得酒之占歲仍在酉轉璣窺衡之驗斗又建寅幸惠仁侯永膺多福恭惟某官氣鍾溫厚政布中和有脚陽春享人生五馬之貴細糴廣廈佇河東三鳳之來暫凝畫戟之香即簇青旗之仗某陳人何用新尹焉依舊綴笏班固已借天街之潤茲鋤菜把詎敢忘地主之恩

賀趙婺州正 善下

玉律道亨和氣已諧於簇達璇源襲慶祿益厚於瓜綿與國同休哀時多祉恭惟某官飛英宗邸賦政价藩近尺五之天旂旂有爛方千里之地襦袴已溫某濫綴橐班阻趨戟衛三朝受四海之籍肇歲上儀八荒轉一氣之鈞佇觀歸袞

賀永州陳守正 疇

戊巳日月之樞氣交離坎子丑天地之紀喜溢乾坤况行湘水之春宜有魯人之頌恭惟某官令修王正政播民和奉寬大書盡解東風之凍反離騷賦遂開南嶽之雲攝提既正於孟陬耄老爭祈於萬石其一來黔鄙再見青陽德不孤必有鄰願終垂於樾蔭壽維祺介以福愧莫捧於椒花

賀史通判正 湜

歲臨赤奮日月初臨律動青陽地天交泰式對予
環之慶亟催鳴王之班恭惟某官和與春融剛排
冬凜大君有命復進司棘寺之平天下無寃行即
報草麻之鞠不但簇青旗之仗又將開白獸之尊
某方竊隣光忽聞召節舉頭而見白日羨君即近
於長安側身而上青天笑我方趨於昧谷

賀黃制機正

性

天地泰交乘少陽而出震雷霆振旅利長子之帥
師外健蓋內順之亨後勁亦中權之助恭惟某官
氣排冬凜德媿春融借召伯以來旬瓚流拒鬯共
阿戎而守歲盤頌椒花人知江夏之無雙我羨西
平之有子某漕居冰下身在雪邊聲聞于天請以
勉在陰之鶴稼豐於野庶或寬我輦之牛

代回畢安撫

再遇正

天運璇璣又屆履端之始春生玉帳載迎善政之
祥恭惟某官豹略沈深虎符靜謐麥苗綠漲挽回
幾千萬戶之和柳葉青歸喚起二十四橋之夢三
陽爲泰百祿交升某方欲具箋猥勤委翰椒盤啓
節莫殫頌禱之私樺燭朝天願保功名之重

代回程監丞

準正

重來及芳菲笑逢春之白傳誰能更拘束羨守歲
之杜陵三壽作朋百祿是總恭惟某官以道怡性
未老得閑攪馬盞簪看破塞翁之馬盞雞貼戶望
成消子之雞宜對新年益裒盛福某過勤尺檟更
枉五詩負三宜休愴歸日之已晚况四多懼何善
頌之敢當

代回淮西趙總領不憊正

轉洪鈞之一氣正月始和序王人於諸侯百祿是
總恭惟某官德儀震動道協泰交時乃糗糧坐給
和門之衆分之寶玉行疏中詔之溫駱馬逆歸螯
蟲始振某已投西崦又見東風學舊桃符漸恐門
牆之遠築新沙路莫觀衮繡之來

代回福建趙運使善宣正

行夏之時撫辰熙績孟春之月視履考祥宜有休
祺以勞華使恭惟某官德儀震動道協泰交律轉
東風添旌旗之和氣杓回北斗聽綸綍之新除某
濫綴荷班阻稱椒斝雲鴻江鯉聊紆削檟之私櫪
馬林鴉會遂盞簪之願

代回大理趙少卿師石正

履端於始茂迎鼎至之祥同官為僚不對咸中之

慶恭惟某官邦之司直民以不寃凍解勾萌漸鞠
園扉之草日遲棘木益清訟舍之棠宜有天休相
時星聚某濫同秋紀又見春朝有椒其馨未遂稱
觴之慶如松之茂敢輸削檟之私

代回趙節使正

曆起丁丑數合太初之元陬正庚寅慶在高陽之
裔齊旄整暇戩穀駢臻恭惟某官大雅不羣在宗
載考詠梁園之雪客至如雲鑿函國之冰公歸有
日振振公子湛湛春祺某自笑陳人又逢新歲酌
九霞之醕莫陪瓊瑤之賓對列仙之圖願介松喬
之壽

標三二九

代回趙開府師垂正

玉曆授時日始和於象闕金支胙土天益厚於龍
光恭惟某官揆路崇勳宗藩令德棣華韡韡增光
伯仲之聯瓜瓞綿綿襲慶神明之胄宜從穀旦益
衍叢祥某濫綴荷班阻稱椒竿夏正人統已孚草
木之和周以宗強願介椿松之壽

代回周馬帥虎正

正月始和光轉崇蘭之畹元戎小隊暖生細柳之
營恭惟某官克壯其猶共武之服東風解凍知挾

續於雲屯北斗回杓即出綸於天陛某濫持荷橐
莫捧椒觴玉漏聲長行或聯於朝著金印斗大願
益懋於勲名

代回建康莊都統松正

歲開端月頓回寒谷之溫春入和門益壯長江之
重恭惟某官戎昭果毅剛克沈潛千里運籌令肅
蟠花之甲三軍挾纊暖生細柳之營交泰大來在
師中吉某無由叙賀猥辱貽戕草木知其威名諒
深自愛葦桃襍夫惡氣願對殊休

代回浙東譙提刑令憲正

八標三二九

青帝執規屆始和之吉繡衣持斧裒滋至之休恭
惟某官澄按日畿振揚風采刑者例也以待猾夏
之姦欲並生哉乃見先春之意君侯如此福祿綏
之某濫司白雲猶趨紫禁履端於始未諧杜老之
盍簪式遘其歸敢後臯陶之拜首

代回江東葉提刑贊正

青帝執規兆三陽之泰繡衣持斧賓百祿之升恭
惟某官德體冲和氣鍾溫厚勾萌畢出想茂鞠於
園扉楊柳方華應勞旋於牡轡一和所囿多祉是
宜某濫綴朝行阻陪賀列雲鴻江鯉輒傾削檮之

恭極馬林鷗尤切盍簪之願

代回福建陳提舉鑄正

歲罟於午肇新玉曆之頒物族乎寅密驗銅儀之轉維時膚使不對蕃釐恭惟某官德稟惠和政先仁恕六條奉漢久司廉察之權七聚維閩咸服清平之教泰來既驗節召不遐某進旅莫陪鳴謙先辱送土牛之寒氣願護衣篝喧極馬之盍簪即迎詔綍

代回福建張提舉聲道正

陽春有脚驗正月之始和肆夏升歌肅使臣之拜

金標二一九

十三

善單車所矣百祿是邁恭惟某官氣稟冲和詔行寬大黃堂整暇新美蔭於甘棠繡節光華侈新榮於苞栩有開燕喜會即鶯遷某縻身於朝莫面以賀杓攜龍角密占星駕之旋氣轉鴻鈞會壺天機之運

代回常州王宮教遇正

日出嵎夷曆紀孟陬之月春回陽羨祥開刺史之天恭惟某官德體震亨道隨泰長將明振貸之議猶已飢民奉行寬大之書自今有歲鴻鈞一轉駟召載馳某久矣凋年見此芳歲變則通通則久願

體君子之四時仁者生生者園茂享太平之五福

代回史安豐天錫正

候一氣於葭莩曰為改歲望八公之草木更與頌
春恭惟某官世濟壯猶躬行仁政地控壽陽之阻
莫重安豐天銷固陰之凝已成交泰宜屬始和之
吉益臻諸福之祥某欽承履端缺陪旅賀上林鴈
過先勤繫帛之書下蔡馬肥願懋扞城之績

代回魏湖州大中正

義仲授時日已賓於暘谷旬侯宣化春自滿於茗
溪恭惟某官奉寬大之書布中和之政水晶宮冷
何資桃梗之襍鸚鵡盃深蒲介椿松之祉某已投
西崦又見東風皂蓋晝行莫遂稱觴之賀白蘋日
莫會觀賜璽之來

代回王寧國補之正

三陽底日肇新正月之和五馬頒春茂介自天之
祐恭惟某官中和布政豈弟宜民椒盤已頌花歲
今始有澄江淨如練福莫不增某竊承履端阻陪
旅賀信宣州主人之賢者益侈新榮忘翰林客卿
之輾然敢伸善禱

代回常台州建正

日在營室肇新太史之迎霞起天台茂介元侯之
祉恭惟某官布中和之政行寬大之書維斗攜龍
表少陽之用事俾民觀象驗正月之始和君子履
之天休萃止某退然厄閨見此芳辰道阻且長愧
莫稱於椒斝年運而往只擬學於桃李

代回林嘉興正

揆三微於人統既屆始和牧千里之日畿宜哀多
祉恭惟某官道符泰長德體震亨賓賜谷之春湖
山自得作嘉禾之命朝夕以頌某竊承履端莫陪
旅賀雙魚中有尺素猥勤桃李之投五馬不受二

一
標三十九

十一

毛請致椿松之祝

代回史蘄州正

日賓賜谷膺敬授於堯時天惠仁侯和先驅於楚
澤恭惟某官榮分半竹言憇甘棠淮水湯湯扇條
風而解凍周原膺膺生麥氣以烘晴宜在凝香益
裒流祉某濫持荷橐莫捧椒觴遵渚之有歸鴻請
馳善頌盍簪而喧攬馬佇慶遄歸

代回趙徽州希遠正

王正謹始肇新人統之頒侯度承休始自日畿之
近恭惟某官奉行寬大宣布中和凍解東風共詠

袴襦之煖杓回北斗茂迎綸綽之温某仰辱先施
未由候賀有椒有飴願儲滋至之休如竹如松益
介方來之慶

代回張建昌嵩正

正月始和少陽川事諒魯侯之燕喜受周社之鴻
庖恭惟某官宣布中和奉行寬大東風解凍暫勤
南國之藩宣北斗回杓即接西樞之步武某未由
削擯先辱噓枯有椒其馨莫遂飛觴之慶如松之
茂願陪隆棟之休

代回建寧傅大諫伯成正

王正紀月肇頒象魏之和侯度觀時丕對龍光之
渥宜裒百祿以應三陽恭惟某官早伏諫蒲出分
符竹陽春布德已行寬大之書肆夏升歌即展論
思之蘊仁賢來止福履綏之某落日在簾浮雲出
岫憶爛柯之邂逅又見東風及焙茗之後先願歸
北闕

代回施温州搃正

挾日觀治肇頒正月之和受地視侯丕介自天之
祐恭惟某官良二千石福十萬家將明寬大之書
昔無今有參酌陰陽之運小往大來與物爲春搏

風斯下某屬拘朝綴莫旅賀某綦櫪馬林烏但切盡
簪之願雲鴻江鯉聊傾削櫝之私

代回施温州檄正

魯觀占雲周正紀月驗陽律鳳鳴之應符凝香燕
寢之祥恭惟某官政爲吏師學有家法召棠所舍
迎化日之舒長燕黍旣回揚仁風於黎庶宜哀多
祉以對休辰某濫綴朝行阻陪賓謁碧油紅旆願
加意於頒春紫詔綠綈猶傾心於賀夏

代回程慶元準正

夏正建寅三陽蒞達東風拆甲萬物光輝時惟哲
人天錫純嘏恭惟某官氣鍾溫厚德稟中和化洽
甘棠接京師而蒙潤威行若木環瀚海以無波當
義仲之授時宜魯侯之燕祉某又觀新曆真是陳
人有椒其馨莫遂搏壘之捧如松之茂姑伸竿牘
之恭

代回王廬州搆正

天回北斗新太史之授時地重南巢慶元侯之受
祉恭惟某官三槐襲組半竹分符虎豹之皮和戎
旣寧諸夏鴻鴈之民安宅咸與爲春一氣始和三
靈錫羨某無由捧爵還復烹魚分北果之甘芳又

勤實籠愧東華之塵土僅有空函

代回臨江洪寺簿正

夏正建寅三陽疾達春風折甲萬物光輝天惠仁
侯日綏景福恭惟某官世濟其美政鼓以和擁朱
轡二千石之榮令行庭戶環清江十萬戶之衆家
有袴襦宜屆始和益裒多祉某監班朝綴莫旅賀
綦佩犢帶牛願懋循良之績林鷗攬馬式諧會合
之期

代回史吉州定之正

陽春有脚又新象魏之頌函夏無塵正倚螺江之
重恭惟某官氣全溫厚政協中和息潢池之干戈
自溫襦袴厚音陽之保障豈盡爾絲時惟泰亨坐
膺鼎吉某備貞朝綴莫造賀綦佩犢帶牛願挽河
而洗甲林鷗攬馬會列炬以盍簪

代回李封州煥正

分符北闕宅牧南交騎竹交迎不問隴岡之吏驛
梅遠寄已知嶺表之春恭惟某官服襲典刑發舒
政術自爲單父技已敏於割雞及試海沂才益新
於展驥茲宣寬札出領臨封諒因報政之來即遂
立朝之願某凋零歲月點綴星辰遠方雙魚不盡

相酬之意人生五馬願收自養之功

代回孫衢州子直正

頌象魏之法仗簇春祺凝燕寢之香服先夏甸時
惟竹使天錫茨禧恭惟某官躬縮左符化行右翊
暮年而變莫不頌而歌之諸侯之風未有速於此
者有開鳳曆會出鶯喬某束緼力微盍簪願切建
牙開府阻斟勺於椒花上齒習鄉猶經從於棠蔭

代回紹興黃尚書由正

條風應節和生元帥之幢樺燭朝天光映尚書之
履恭惟某官德儀震動道協泰亨與物爲春久騰
歌於襦袴履端於始行促觀於冕旒某擬學桃符
阻稱椒筓杓馮龍角已旋北斗之魁身到鳳池即
解東風之凍

代回趙湖州正

歲行在午布喏方新斗指於寅隸通伊始是惟君
子之道長實應諸侯之化行恭惟某官材應時須
美全世濟水晶宮冷已回襦袴之溫金鑾殿高即
奉冕旒之對某濫竽幕掾竊蔭甸侯一紙十部之
肯臨已慚倒置四方六客之併至更尉俄空

代回鄰州守倅

龍豹回次協豐茂之嘉辰鳳曆紀元新隆平之美
號其在温温之德宜膺嘒嘒之祺恭惟某官剛體
震亨道偕泰長召棠蔽芾拓函夏以無塵湘芷芳
菲散陽春而有脚佇簇青旗之仗趣歸紫禁之朝
某賦分朱愚負丞黔鄙東風解凍不能消華髮之
霜南嶽焉依安得聽清談之露

代回教宗簿賀正

歲躔協洽仰參長烈之常月旅孟陬俯應大來之
泰恭惟某官温温秉德嘒嘒受祺九關已驗於氣
衝三殿何求於風引佇對蒼龍之礎亟開白獸之

標三一九

樽某甫欲修容已蒙惠翰

代回南康章僉判攀正

春回青陸正月之吉始和水泛紅蓮諸福之物畢
至恭惟某官器資温厚政術融明畫諾雍容行趣
葵丘之戍笑談辨治飽尋廬阜之游當此履端宜
其鼎盛某未由削櫝猥辱貽緘列炬盍簪又見歲
華之換染雲翦水莫酬頌語之工

回史郡僉賀正文舒

庚寅孟陬協建寅之夏正甲子昧爽轉拆甲之春
風仁賢履之吉祥萃止伏惟某官德潛剛克和配

陽休正其所爲王道之端云爾惠而不費仁言之
利博哉官師無廢於相規福祿適觀於來下某幸
同聯事良感贈言兩鬢霜濃難望東風之解凍一
犁雨足願歸南畝以躬耕

回見任官賀正

羲和之賓春日復出嵎夷甘石之占歲星適臨益
部有如百祿之總是在同官之良恭惟某官德叶
陽休氣排冬凜笑於菟絕維之去迎玉兔以長生
對襪馬盍簪之喧依金鴉而高翥共餞梅邊之臈
亟催花底之朝某自顧陳人又看新曆但希善類

聯翩茅茹之征庶遂寒蹤退托桃符之換

回寄居鄉官正

太歲在辛令旣先於三甲吉日維戊春豫撫於五
辰有如鄉大夫之賢宜介王正月之慶恭惟某官
氣鍾溫厚德備中和秉紱懷章暫養旦評之望黜
纓澤笏行催元會之朝三陽茅拔以茹連百祿竹
苞而松茂某自慙政拙竊席里仁一榻延徐孺子
之來又勤街袖五鼓推謝令尹之去所願歸田

回衆官袖啓賀正

庚寅孟陬度適符於皇覽甲子朔旦壽將邁於絳

人惟言行得雷風之常則吉亨應地天之泰伏惟
某官氣排冬凜仁叶春融從容以和體東風之解
凍洵美且直契北斗之回杓宜哀嗔嗔之祺式對
溫溫之德某幸同僚案過辱頌言老我陳陳但願
學挑符之退諸公衮衮幸早從樺燭之朝

代回諸縣賀正

歲躔協洽曆稽長烈之常月旅孟陬卦應大來之
泰時維茂宰坐擁堪祺恭惟某官德並陽休氣排
冬凜藹然政譽續花縣之風流籍甚除音漏柳條
之消息亟飛鳧馬進遙駕行某自是陳人又逢新
曆尺書寄鯉愧淮記之不先列炬散鴉尚餘光之
見及

回外縣官賀正

葦桃倚戶正月之吉始和板栢浮觴賢人之德可
久凡吾同志即日異除恭惟某官氣協陽休功多
陰隲培溫植厚夙存有孚惠之心噓枯吹生共勉
不忍人之政撫辰凝績視履考祥某辱託為僚又
逢改歲所使承流宣化也尤謹履端同寅協恭和
秉哉當蒙終惠

回學職士人賀正

杓攜龍角魁枕參維氣轉鴻鈞歲躔益部其在藻
芹之秀聿觀茅茹之連恭惟某人文艷春葩香浮
秋桂百步揚葉不難鵬鷲之穿三月桃花即看鯤
鵬之化不負旦評之望即先天老之題某方欲修
辭先勤委贄習鄉上齒何幸陪庠序之申重席說
經尚幾見賢能之獻

回學職賀正

庚寅孟陬適合靈均之初度甲子朔旦共希絳縣
之老人未袞賀牋已勤慶語伏惟某官陽休山立
陰騭天通列炬盍簪不但習鄉而上齒鳴佩澤笏
行當重席以講經亟看紫禁之鶯花何羨元都之
燕麥某又看新曆真是陳人聽攬馬之喧真難立
仗觀土牛之送但願歸耕

回李秘校

叔璋

元日之至人日未果修辭新年之勝故年反勤善
頌味雙鱗之佳甚抽獨繭而報之伏惟某官胄出
兩河僑游四蜀謫仙霞佩飄然春樹之天長吉錦
囊亂若桃花之雨琢句宜供於帖子袖牋猥及於
衰翁某閱歲又新守藩亡狀同姓也同業也何必
勤五朶之雲勿勞乎勿誨乎所願拜一盃之水

謝蹇校正賀正

伏以丹鉉點勘借重良多朱墨縱橫遣書未暇有
勤謙施見賀履端八千歲之為春何敢當嘸枯之
意斗升水之活涸所祈廣貸粟之仁

梅亭先生四六標準卷之三十九

意中於水之...
備書...
升以世益...
備書...
五頁五

梅亭先生四六標準卷之四十

賀冬

賀楊尚書冬 改明

貢禹舉冬式敬人時之授伯趙司至肇迎天統之
長相維玉帳之籌歸幹旋璣之柄恭惟某官望隆
星履清湛水壺仁風舒柳以放梅和氣生芸而挺
荔侯伯以七為節教民既閱於七年天下有三達
尊論道亟登於三事某寸材線短一障灰寒困窮
井遷要匪井遷而射鮒剝爛復反但希復反於暑
羊尚怜九地之微芒曲借五雲之終蔭

賀桂制置冬 如淵 庚寅

舉貢禹之冬人時敬授司伯趙之至天正踐長有
如元帥之詩書庸介宜民之福祿恭惟某官德潛
剛克道配陽休前茅中權威已肅武功之草采薇
遣戍人期聽文德之麻諒由於菟頌兔之交遂趣
孔雀麒麟之覲椿齡彌永槐蔭益高某竊比五雲
苟容再歲井勿幕於元吉在上猶冀有孚復閉關
而商旅不行尚何祗悔

賀黃制置冬 伯固

暢月建子觀復見兩儀之心至日得壬帥師應三

錫之命時維玉帳妙合璇璣恭惟某官濟北一編
汝南千頃和門晝靜士知挾纊之溫候拆宵沉民
謝閉關之樂頌恐六日四分之鳳律將催五更三
點之鴛行獻履徑上於星辰合璧長依於日月某
身依雲屯心實灰寒雷在地中想魏博三軍之喜
冰解漕下之營平一線之功

賀曾安撫冬

從龍

任武岡倅作

長至之逢辛日允符雲觀之書南極之次丁躔正
應星沙之壽維時玉帳昭對璇璣恭惟某官德配
陽休道偕剛長地中雷復豈容小袖之回旋魁下
台明即播大鈞之塊北仁等沅湘之永福齊翼軫
之高某半刺灰寒寸材綫短碧油元帥繡歸即相
於西周白脚門生襪貢尚於東郭

賀安撫提刑都大

壽考維祺介以福福豈待祈至朔同日謂之章章
必有慶輒修魚繭仰頌鴻庖恭惟某官德合陽休
氣排冬凜五雉五工之正帝有絲絢一龜一琴之
回民皆襦袴茲對五雲之瑞密回九地之春某竊
伏冀頤阻瞻龍節天隅把繡自知無一線之長月
瑄吹葭更願假重緹之庇

都大

恭惟某官德合陽休氣排冬凜萬馬並馳而獨立
恪秉素絲四牡有功而逆歸亟登紫橐茲對五雲
之瑞密回九地之春首末同前

提刑

恭惟某官德合陽休氣排冬凜合東西而瞻使節
載駕星輶審簡孚以嚴天威益揚風采茲對五雲
之瑞密回九地之春首末同前

賀黃總領冬申

律諧鳳應日迎天統之長士飽馬騰雷動雲屯之

標四一

三

喜王人序諸侯之上小人昧君子之依恭惟某官
道配陽休德存陰騭總領甚稱豈惟足戊巳之營
留屯並行諒已得甲寅之報茂對丈三之景亟膺
尺一之褒某自分灰寒仍逢澤竭所見者今我也
無有一線之長非吾之故人耶更望垂五雲之庇

賀王總領冬

天復一陽滋萌帝澤星連五緯密應使躔恭惟某
官望重握蘭功高輓粟樵蘇宿飽暖生細柳之營
繡斧晝行歸近瑞真之陞自今以始何福不臻某
限以守符阻陪賀履錢流地上煩坐運於木牛人

自日邊即召還於金馬

賀某總領冬奎

占七日之來道漸通於君子序諸侯之上權莫重於王人與時偕行何福不至恭惟某官氣排冬凜德配陽和灰動重緹撫三軍於挾纊日長一綫總六轡以如絲諒從獻履之辰行拜予環之命某甚慚玩歲又見書雲涸轍西江愧難辦青雀之舸挹漿北斗何因搥黃鶴之樓

賀安總領冬癸仲

雷在地復君子占七日之來雪應年豐王人序諸

標四十一

叩

侯之上自今以始何福不臻恭惟某官德並春融氣排冬凜糴湟中之粟未易斗量流地上之錢端如雲滂伯趙聿司於短至安期遠迓於長年某百念交寒單車冰冷繭絲已竭何由沃六轡之絲襪線非長更願寬五雲之綫

賀牛茶馬冬大年

端策拂龜地雷之復攸往摘茗市駿山澤之節遄歸與時偕行有秩斯祐恭惟某官陽休山立神動天隨獨鶴整江海之毛雲程駿步萬牛立丘山之首風節自高諒當伯趙司至之辰益對顏氏庶幾

之吉其真成浪出久俟汰歸紛紛滿眼趨走傷心
良厭看於新曆風物相親形容獨老儻尚念於故
人

賀黃運使冬柱

斗北中而建子曆肇應於周郊日南至而逢辛書
允符於魯觀維時英節茂擁堪祺恭惟某官德配
陽剛氣排冬凜冰解漕下既曉行湘水之春雷復
地中即夜對宣室之席諒應四分之牛畧坐齊七
政於龍魁某材之綫長分甘車副儻冷紫陌看花
曾綴於馬蹄雖在黔山吹黍固希於鳳律

賀李運使冬鼎

化日舒長共紀魯臺之至卿雲紛郁重行湘水之
春况兼熊旂龍節之華宜介羔酒兕觥之壽恭惟
某官仁排冬凜德配陽休物換星移又復濯滄浪
之水漕下冰解便當登碧落之天仁風梅放以柳
舒和氣竹苞而松茂某寸材綫短半刺冰寒飯蔬
飲水而曲肱將歸尋於舊物衣繡觀風之直指諒
未按於故人

賀呂提刑冬祖烈

六雄召律觀象見天地之心四牡周咨用龍在山

澤之節矧佩纍纍之重宜膺簡簡之祥恭惟某官
道與時偕德隨剛長二節三節之趨走詎鬱鬱於
岷峨八命九命之朝宗即浮浮於江漢諒對一陽
之復益臻百祿之適某席苾雲深效官冰冷嘆至
日之長為客但切懷歸因風物而暗相親敢伸善
頌

賀樂提刑冬

代衛參政

緹陽襲筦綫畧延圭明謹用刑克廣好生之德靖
共介福諒裒滋至之休恭惟某官清徹冰壺和鍾
玉律棠陰晝永訟已息於楚氛葭室灰浮暖自回
於嶰谷某偶叨分闈正阻造門端策拂龜七日已
占於不遠聽笳鳴鳳九成更佇於來儀

賀陳提刑冬

天宜

黃鍾協律可推復見之心繡斧詳刑茂對咸中之
慶惟明克允何福不臻恭惟某官德配陽休氣排
冬凜周原苞栩久勞六轡之驅馳漢節梅花已報
一枝之消息風雲之會日月以需某有幸同寮惟
深善頌旨且多多且旨莫遂稱觴昌而熾熾而昌
願加視履

賀劉提刑冬

鳳簫回律肇倡應於六雄龍節詳刑方驅馳於四
牡勞行邁之靡靡宜降福之穰穰恭惟某官德本
剛潛道偕陽長繡衣持斧曉行湘水之春縞帶隨
車暮對江天之雪所虞駟召靡俟鴈回某佐此斗
州微哉星屏託刺史二天之庇聊復編茅占夫子
七日之文敢希拔茹

賀游提刑冬

俚

雷在地而復吉實開泰內之亨天違水而訟清宜
介咸中之慶矧士公之司至趣辰告之遠猶恭惟某
官德與氣游道偕剛長昔時諫草懶看省砌之花

標の十一

今日判花聊鞠園扉之草柳舒梅放松茂竹苞知
幾其神何福不除某身依雲庇心實灰寒乃積乃
倉吹鳳尚希於生黍我任我輦牽牛何補於服箱

賀提刑提舉冬

律動黃鍾倡六雄而叶氣風生畫蕩歌四牡之有
功其在皇皇之華宜膺簡簡之福恭惟某官德潛
剛克功播民和星駕回天又見一陽之復雲書占
歲載忻五穀之豐諒策持斧繡衣之庸即詠鳴玉
紫宸之句某心如灰冷材乏線長使者汝容固足
回春於黍谷丞哉余負行歸曝日於茅簷

賀趙提舉冬甲申

魯雲書至寶呈紛郁之祥趙日御冬益顯光華之
遠錫公純嘏又我蒸民恭惟某官德配陽休氣排
霜凜舊游天祿飽看芸草之生今使江南尚作梅
花之寄驗刺繡五紋之永知衮衣九芘之歸某材
乏綫長心尤灰冷負暄炙背詎敢輸畎畝之忠安
性掩身尚或備輶軒之訪

賀林提舉冬

清臺課曆肇新三統之元繡節觀風順應一陽之
動恭惟某官剛大養氣豈弟近民歛散得宜粟若
原泉之混中和誕布黍回寒谷之溫涼對休辰益
裒純嘏某適拘分閫良阻造門視履考祥願觀不
遠之復仁民愛物無忘自養之願

賀趙提舉冬汝諧

按緹候氣律已兆於六雄衣繡觀風功益高於四
牡道隨剛長德與福崇恭惟某官清湛冰壺和鍾
玉瑄趙日可愛既開南嶽之雲幽雨其濛更激西
江之水慨然攬轡行矣賜環某濫長十連又逢亞
歲江湖兩地幸再同君子之寮原隰五章請重拜
使臣之喜

賀王提舉冬與權

身為國史自當書辛日之雲君遣使臣願使餐丁
年之雪有功則悅何福不臻恭惟某官致孝卧冰
移忠叱馭生芸挺荔厭夜直於承明舒柳放梅甘
曉行於湘水花甲方周於六十椿齡正衍於八千
某雌伏負承鳳鳴倚嶽繡衣持斧僅憐同三點之
鴛行黃鍾為宮尚或收一聲之牛鐸

賀薛知府冬師旦
甲申

歲籥在申驗乞漿之踰願斗柄插子盍挹酒以迎
年時維二千石之良敷錫十萬戶之福恭惟某官

四一

九

功參陰騭德配陽休襦袴温然適應重緹之暖絲
綸近只適隨一線之添諒經伯趙司至之餘即有
薛侯來朝之命某身棲棠蔭心委葭灰陪五更三
點之鴛行敢論交於結綬依一寸四分之牛畧或
委照於受塵

賀趙全州冬必愿

魯雲必書暮映衡山之月趙日可愛曉行湘水之
春時惟大雅之英茂對細書之札恭惟某官道隨
剛長德配陽休字民之仁温若重緹之律噓物以
氣煖然五袴之歌諒觀荔挺以芸生益慶竹苞而

松茂某機材綫短泥軼冰寒三壽作朋請效魯頌
萬千之祝七日來復幸觀義爻六二之辭

賀寶慶趙知府冬

善湛

魯雲必書將召和於嶰竹趙日可愛况小憇於甘
棠維時循良茂介福祿恭惟某官以佳公子繼古
諸侯報政龍藩驗龍杓之回次潛心鴻寶佇鴻羽
之來儀獲芸生荔挺之辰萃松茂竹苞之慶即歸
北闕遂冠南班某半刺灰寒寸材線短空睨牽牛
之景了無展驥之能楚波有餘自足回春於燕谷
魯酒甚薄不堪賦雪於梁園

賀胡通判冬

衍

甲申

歲在申而得酒已回葭室之溫斗建子以挹漿正
作菊潭之壽星屏所舍雲氣可占恭惟某官德與
時偕道隨剛長千里分風月之半邦國不空六爻
見天地之心公侯必復諒哀純嘏即上清班某百
念灰寒寸材綫短窮蒼日短不堪輸炙背之忠別
駕水清詎敢作持杯之祝

賀史通判冬

湜

葭律浮灰候臨小至棘評佐獄慶叶大來遠莫捧
於兕觥誠敢輸於魚素恭惟某官氣鍾溫厚德迪

中和傑然驥展之材監此龍潛之邸鸚鵡孟鸚鵡
杓滿介壽祺孔雀扇麒麟爐即儀禁角某襪材綫
短泥軼冰寒乃分之宜詎敢耻狐貉之側惟鄰是
卜尚祈分燈燭之光

代回大理少卿師石冬

緹陽龍繞綫景延圭候六律而合八能既滋羣動
敬五刑以成三德宜介百祥恭惟某官同寅協恭
分職率屬各抱黃鍾之器韻共司丹筆之簡書佇
積平反入儀華要某濫因聯事獲慶踐長一道冰
街猥辱先施之寵五色雲物願迎方至之休

代回程監丞準冬

灰浮緹縵新北臺太史之占雲卧衣裳添南極老
人之壽恭惟某官襟懷霜潔談笑春溫未老得閑
飽味桑榆之暖久靜思動佇儀槐棘之班某莫捧
兕觥過勤魚素蒲萄一斛知公不爲於涼州嶰竹
數聲在我頓忘其寒谷

代回王寺丞庭芝冬

陽德由子而孳地氣上騰善類觀復之亨天休滋
至恭惟某官沉潛剛克消息時偕手縮袖間復添
補袞之線春回井底已驗浮緹之灰對此令辰宜

其遐福某適拘旅瑣莫綴賀某鳴鳳聽笳應九天
之詔下拂龜端策驗七日之朋來

代回江東李制帥大東冬

七日來復可知天地之心千里折衝實賴詩書之
帥道隨剛長政與和俱恭惟某官德配陽休氣排
文凜名播江淮之草木識通河洛之圖書緩帶輕
裘方靜觀於雲祲獻履貢襪佇直上於星辰會由
五更三點之行益近一寸四分之景某材如綫短
心亦灰寒倚棠棣之華猶書紙尾曝茅簷之煖但
夢刀頭

標甲一

代回揚州崔安撫与之冬

三微肇始萬彙滋身集康寧富壽之疇在禮樂詩
書之帥恭惟某官克壯其猶久勞于外斗牛有耀
坐觀推策之長淮海無波自適觀梅之興卦已占
於七日班即近於五雲某託契惟深修辭不敏拜
長箴之委重搔短髮以寘慚報不成章永以為好

代回淮西王安撫柵冬

一陽來復既見天地之心十國為連共戴詩書之
帥宜從穀旦茂介叢休恭惟某官肅括弘深靖共
正直圖書中祕星連五緯之光樽俎邊城雷動三

軍之喜佇應葭莩之動歸儀槐棘之班某猥辱手
書無由面賀維藩維翰願歸疆理之功如阜如岡
共享國家之福

代回淮東畢安撫再遇冬

緹灰候氣一新太史之占葺纛宣風載重元戎之
寄宜從亞歲茂擁百旗恭惟某官識遠且明材沉
而毅輕裘緩帶備觀雲稜之祥堅甲利兵孰測霜
威之勁佇寧邊鑰入揔中權徑從魯觀之登即見
漢壇之築某屬紆朝組莫捧賀觴玉律和聲既屆
朋來之慶金印如斗願迎方至之休

代回宋總領冬

日轂回輶舒永五紋之線星輶給餉光華六轡之
絲諒對剛辰益綏純嘏恭惟某官盛名晝永清德
水明弩矢前驅見流錢於地上推蘇後轡如挾纊
於軍中底績懋哉歸班近只某濫聯筆橐阻奉椒
觴君子占一陽之來當體復亨之動王人序諸侯
之上即膺晉錫之蕃

代回林總領祖洽冬

陽月終更慶一陽之亨復福星出使符五福之照
臨宜對令辰茂膺純嘏恭惟某官剛隨天運和本

時中養九德於黃鍾鳳鳴解谷持貳卿之紫橐虎
卧長江袞繡晝行樵蘇宿飽牽牛極畧既占候於
漢臺駱馬懷歸寧倭遲於周道某濫塵朝綴莫旅
賀某身鯉得書先辱五雲之墜拂龜占易惟期七
日之來

代回趙總領不憊冬

化日迎長卿雲紀瑞諸侯之上序莫重於王人一
陽之來道益亨於君子茂綏福履請致頌言恭惟
某官秉德忱恂凝姿信厚峙粮天塹星鳳駕以載
驅給餽雲屯雷歡聲而四起暫司留鑰坐鎮陪京
宜對南至之書即侈東歸之詠某材如線短心亦
灰寒刺繡吹葭空覺杜陵之老大獻履貢機但觀
曹植之文章

代回鞏都大嶸冬

天復一陽滋萌帝澤星連五緯照映使華維時山
立之休翁受川增之祉恭惟某官和鍾玉律清徹
冰壺方今之務孔殷孰堪經濟圜法之司尤急政
藉阜通會當錢流地上之餘即有人自日邊之召
某心隨灰冷技蔑線長賦問大鈞將爲天下而實
賀詩成小至亦驚人事之相催

代回喬運使行簡冬

短日舒長益永六螭之馭長淮清晏遙知四牡之功對此令辰宜其遐福恭惟某官和鍾玉律清徹冰壺聚人曰財坐幹流泉之運噓物以氣潛回寒谷之溫式遘其歸可拱而俟某濫持荷橐阻捧栢觴占卦六日七分是爲道長修身千二百歲請致祝規

代回淮西徐運使輝冬

緹灰襲候肇基來復之祥繡節臨邊茂介踐長之慶恭惟某官身兼數器夙駕單車招來鴻鴈之民衆如雲集餽給貔貅之旅令若霜嚴宜對天統之辰丕擁日來之福某屬拘朝綴莫旅賀絢鳴鳳律和知已宣於九德牽牛畧遠聊具報以七襄

回永州知府陳提刑翽冬

竊潁川之河潤亦飽聞新尹之誇隔巫水之山嶺未果賀中丞之泣蒙以義文之七日貢然郇翰之五雲遂令寒灰頓有生氣恭惟某官仁排冬凜義配陽剛英蕩繡衣固已淹五色之線朱轡皂蓋聊復壯萬石之亭重緹回襦袴之溫一扎趣絲綸之召某覩先未快禮後知慙陳遵之尺牘可藏詎止

榮從事之十部李膺之別駕非昔正足辱太學之諸生惟依湘水之深當借楚波之及

代回浙東譙提刑今憲冬

清臺占候肇推三統之元繡斧馳驅茂應一陽之動恭惟某官清標範俗雅度鎮浮望蓬萊之雲已書五色吹孤竹之管即遙九階某濫綴朝紳阻陪賀履驗文三尺餘之日晷既麗牽牛列五六百炬之火城更觀仗馬

代回江東葉提刑實冬

魯雲紀瑞堯日迎長黃鍾倡應於六雄繡斧光華於四牡恭惟某官氣養剛大德合中和慷慨澄清節凜冰霜之操將明欽恤復見天地之心茂對令辰宜裒蕃祉某才如線短心亦灰寒對五更三點之御床無由陪賀布一札十行於方國佇見遄歸

代回浙西王提舉禁冬

和叔正冬伯趙司至儀圖道長之慶允屬陽休之賢伏惟某官清徹冰壺和鍾玉瑄送之禮樂不離尺五之天任以公卿即近丈三之日某無由面賀例辱手箋身當得書莫報五雲之體拂龜端策但占七日之交

代回福建陳提舉鑄冬

日官候氣書嚴魯觀之登星使觀風福等閩山之
厚恭惟某官器資凝遠業履端宏平糴有方粟若
源泉之混廉車所部黍回寒谷之溫宜對身辰茂
綏純嘏某贅負簪筆辱賜函牋視履考祥願觀不
遠之復裕民足國無忘自養之頌

代回周馬帥堯冬

星轉璇璣一陽既復霜嚴玉帳百福交升恭惟某
官肅振戎昭恪共武服馬騰士飽力夸洪鼎之扛
鳳應律諧氣協黃鍾之動佇寧邊鑰入總中權某
謀慶踐長先勤委重仰觀雲祲既符登觀之書歸
扈日營即見築壇之拜

代回全州趙守必愿

懷五更三點之鴛行舊同班於吳下驗一寸四分
之牛畧今假蔭於黔中方圖修獻履之辭已先拜
鳴謙之寵故情未慙弱念易盈恭惟某官禮樂宗
英侯王相種決科唐殿肯吟麗日之煌煌宅牧湘
源聊和舞風之濟濟對此重緹之候藹然五袴之
歌魯雲必書翻手足看於短至趙日可愛舉頭即
近於長安某比德微芒甘心半刺地爐煨羊已漸

參南岳之禪山意放梅儻尚憶西湖之飲

代回王婺州補之冬

鳳簫候氣律中黃鍾燕寢凝香衛森畫戟屆新陽
之漸進知純嘏之鼎來恭惟某官平易近民中和
布政溫其五袴不惟田里之安清在一盂可作京
師之潤履長之後晉接何疑某濫綴周行又逢趙
至旨且多多且旨莫捧蒲萄之觴昌而熾熾而昌
請祝喬松之壽

代回韓慶元元禮冬

堯曆正冬魯臺書至其在惟良之牧宜膺滋至之
標四
休恭惟某官明冰其相愛日之政民無遺便已歌
襦袴之功帝有恩言即布絲綸之命諒對復來之
慶即膺晉接之榮某濫次近班無從旅賀猥勤謙
德特畀問緘餘同前回王提奉啓

代回鄭吉州寅冬

天復一陽氣陶萬彙其在惟良之牧宜膺可致之
祥恭惟某官清德猶冰盛名如畫白鷺青原之山
水暫屈外庸黃龍五鳳之詔書即膺表選會從亞
歲入覲書雲某濫綴紫囊阻趨畫戟先辱飛緘之
况惟深藏襲之榮

代回趙信陽善張冬

周圭測日魯觀書雲諒惟牧御之賢宜介康寧之
福恭惟某官秉姿剛大賦政中和洞明固圉之方
茂著扞城之績若時道長行有詔追某濫綴荷囊
阻持椒斝謹憑手畢略布衷忱

代回諸州賀冬

璿杓建子觀仍驗於五雲綺甸選侯復聿來於七
日仁賢所萃菲祿其穰恭惟某官德與時偕道隨
剛長絲綸邇只祥催宮線之添襦袴煖然聲協律
緹之應諒對四分之鳳曆趣歸三點之鴛行某百
念灰寒寸材襍短歸吾視諸故府漫見新陽蹇誰
留弓中洲願膺表選

代回紹興黃尚書由冬

陽生於子曆嚴伯趙之司星拱乎辰光粲文昌之
座宜從亞歲茂介新祺恭惟某官德稟中和氣全
剛大給符鳴履早儀喉舌之司均佚偃藩暫鎮股
肱之郡南至旣書於魯史東歸宜詠於周詩某才
無線長心亦灰冷紫宸朝散空驚獨老之形容盡
戟畫森願謹凝香之寢衛

代回廣德余守嶧冬

緹灰應律圭綫迎長諒畫戟之凝香叶黃鍾而宣
德恭惟某官溫恭爲政平易近民善頌洋溢於內
畿和氣周流於寒谷茲一陽之旣復諒百祿之交
升某偶綴朝參莫陪賀旅五雲下墜如瞻魯觀之
書七日朋來會見潁川之璽

代回台州常守

建冬

斗柄北攜日躔南至驗侯伯化行之美應君子道
長之休恭惟某官江海把麾京師蒙潤擁碧油之
旆歛惠一州標赤城之雲載書五色宜從穀旦即
觀楓宸某偶綴顏行無從面慶頌魯侯之受祉益
熾而昌問顏子之爲邦不遠而復

標四

二十一

代回平江李大諫

大異冬

黃鍾律應地回燕谷之春畫戟凝香人詠蘇州之
守宜從亞歲益介繁禧恭惟某官以厭承明而試
馮翊獻履貢機益深旒宸之思今袴昔襦聊借京
師之潤布緹密驗召綽顯頌某縻身於朝莫面以
賀靈臺歛竹已默應於殿中山意放梅更相期於
鼎寶

代回處州林守

孔昭冬

化日迎長卿雲紀瑞黃鍾動地叶陽律六鳳之鳴

紅旆行春驗人生五馬之貴恭惟某官剛全天運
和協時中言從古括之邦暫布甘棠之教三重緹
縵既觀葭律之浮一扎絲綸即趣楓宸之侍某無
由旅賀猥辱謙施問顏子之爲邦不遠而復願魯
侯之受祉俾熾而昌

代回常州王守遇冬

氣動黃鍾潛應一陽之復香凝畫戟孰如千里之
常宜對休辰茂膺蕃祉恭惟某官心焉禹稷政則
龔黃似聞十萬戶之民各安汝止咸願二千石之
福以莫不增緹縵灰浮絲綸鼎至某未由望履莫

標

二十一

獲稱觴山意放梅試問和羹之信靈臺歛竹盡回
寒谷之溫

代回建寧傅大諫伯成冬

魯臺觀象肇新五物之書漢殿陳儀爰合八能之
奏惟良作牧與國同休恭惟某官節凜冰霜氣塞
天地一麾出守績已茂於循良千里見王道豈忘
於仁義當陽德彙進之始非君子道長而何宜對
熙辰茂綏純嘏某無由稱慶輒致頌言攜角斗杓
曆已闢於周正植鱗箕尾夢即兆於商巖

代回慶元程守準冬

鳳齋寸全中黃鍾之律虎符分握凝畫戟之香履
此休辰宜其遐福恭惟某官氣全剛大德稟中和
自卧治於潛藩迄坐寧於瀚海六宮一線添樂國
之棠陰五緯連珠接故家之樞柄何天之寵不日
而還某濫司秋雲莫捧春酒葭添六琯足知君子
之身麥熟兩岐請副輿人之禱

代回湖州魏守大中冬

杓攜龍而建子象自天旋簫吹鳳以及辰陽從地
復諸侯之應百祿是宜恭惟某官坐分左符卧治
右翊三微統正知顧渚之春回一線影舒覺長安
之日近道隨剛長福與時升某茲辱朋緘無回旅
賀葭葦六琯是為神策朔復朔之祥麥熟兩岐莫
陪太守樂其樂之宴

代回林嘉興良冬

鳳曆起黃鍾之齋地氣上騰燕寢凝畫戟之香天
休滋至恭惟某官謹身帥下善政致和魯觀雲開
接吳王之攜李周畿日永憇召伯之甘棠緹氣既
溫綸音必渙某濫塵豹尾莫捧兕觥諧秬黍之和
既知谷暖作嘉禾之命即聽庭揚

代回李通州直養冬

初陽見天地之心三微既兆太守爲吏民之本百
祿是適恭惟某官和而不流剛而無虐森凝畫戟
共稱二千石之良顧瞻白雲遙上九十親之壽勞
謙有吉視履考祥某方具賀緘先承慶牘五袴旣
暖共瞻刺史之天一線已添請近長安之日

代回胡嚴州案冬

葭管灰浮肇正三微之統棠陰日永况親千里之
畿百祿是適諸侯之應恭惟某官敷華緯國歛惠
專城嶰谷冬寒旣協鳳鳴之律桐江春滿足疑燕
寢之香雲物一新天休滋至某未由旅賀猥辱謙
之和

代回趙婺州善下冬

月臨周正肇書魯觀之雲天胙漢宗佇賦梁園之
雪宜哀茨福以厚桐封恭惟某官德稟忱恂才無
驕吝天子有命俾司玉葉之盟价入維藩暫試金
華之牧不遠之復未占巳孚某濫綴秋官阻陪夏
賀獻履貢機旣書南至之祥袞衣繡裳願副東歸
之詠

代回邵武周知軍章冬

維斗建子既復一陽受地視侯懋綏百祿恭惟某
官中和布政撫字勞心今五袴之載歌紛迎騎竹
日一線之徙蔭聊復趙棠諒當凝燕之香玉介厖
鴻之祉某未遑旅賀先辱謙施鳴鳳召和想二天
之獨有拂龜端策驗七日之朋來

代回無爲趙知軍善湘冬

地雷既復星昴初臨州牧之政惟和君子之道斯
長恭惟某官名駒千里分雉列城淮水湯湯遠借
藩維之重周原膺膺近觀還定之功宜對剛辰茂
綏純嘏某無由陪賀茲辱飛緘憇甘棠之陰益舒
化日奏孤竹之管即聽鈞天

標四十一

三四

代回寧國王知府補之冬

登觀臺而書雲物載叶剛辰頌宣州之賢主人宜
哀景貺恭惟某官氣鍾高厚德備中和昔華貫之
編儀今大邦之爲殿何天之寵如日之升某莫捧
兕觥過勤魚素反復其道公宜歸槐棘之班支離
其形我欲息桑榆之影

代回池州陳知府奕冬

鳳律浮葭既迎日至虎符分竹茂擁天休恭惟某
官克壯其猷共武之服甘棠教洽樂晝晷之移陰

細柳營堅新岸容之待臘宜哀多祉以對休期某
濫綴朝行阻陪賀旅雙旌風動熟觀雲稔之祥六
蠶霜嚴佇應霆聲之震

代回安豐史知軍

天錫冬

曾臺南至卦占七日之來淮水東馳人詠二天之
有宜哀多祉以錫諸侯恭惟某官風調不羣器資
甚茂承師旅飢饉之後力撫瘡痍收愁恨嘆息之
聲復堅保障屬當荔挺宜介椿祺某莫獲飛觴猥
勤染翰惟君子之道既長如川之增願方伯之政
性和何天之寵

代回信州李寺丞

昌冬

律中黃鍾日運躔於斗北香凝畫戟雲紀瑞於江
東肇對剛辰宜哀蕃祉恭惟某官器資冰潔德政
川流盤仙李之根豈假葭莩之援越甘棠之蔭茂
騰桑麥之歌來復之交既占視履之祥可考某濫
班朝綴莫履賀絢問微陽之回未回誰汲無波之
井知太守之樂其樂賸盼有脚之春

代回濠州何都統

汝霖冬

新陽浮瑄寅賓化日之長元帥開藩茂介自天之
祐恭惟某官深沉而能勇果毅而善謀鶴唳淮淝

早立鼓鼙之績魚游濠上今宜保障之勞茂對休
辰宜裒多祉未遑馳慶猥辱貽箋登觀書雲密
已觀於道長築壇擇日佇益振於戎昭

代回趙無為善湘冬

密緹布室地氣上騰緩帶專城天休滋至恭惟某
官飛英厲籍斂惠介藩草木知名威肅江淮之遠
葭葦候律春回嶰谷之溫燕喜惟新龍光有渥某
無由稱慶過辱屬辭梅放柳舒既密回於一氣竹
苞松茂願益對於百祺

代回孫衢州子直冬

孤竹之管雲和之琴律諧冬至太末之城姑蔑之
里和共春回時惟旬侯懋綏疇祉恭惟某官器資
冰潔政術泉流桑蔭在庭認憩棠之勿翦黍生于
谷笑刻楮之不成佇即從日邊而來斯可後天下
而樂其漫聯粉社阻捧栢觴畫戟香凝已不殊於
雲物紫宸朝散猶及見於風標

代回南安趙知軍師傳冬

魯雲旣書陽從地復趙日可愛福與時升恭惟某
官信厚存心中和布政仄浮緹室民知襦袴之溫
線永繡文公豈爾絲之急佇息潢池之盜益疑畫

戟之香某未果馳箋猥勤飛翰軍聲破竹會清洞
口之塵埃山意放梅試問嶺頭之消息

代回史吉州定之冬

律中黃鍾謹書雲於太史香凝畫戟歌湛露之諸
侯茂對休辰宜膺純嘏恭惟某官榮分漢竹式懋
召棠執樂三千俯就專城之樂提兵數萬更書擊
賊之功福與時升道隨剛長某未由叙賀猥辱馳
箋敢因勒復之間輒致鳴謙之謝

代回江州陳守卓冬

七日來復聖人見天地之心九江孔殷太守宅生
靈之命致和以政均福于民恭惟某官喜氣排冬
盛名如晝日長一線賦豈急於繭絲氣煖重緝香
自凝於燕寢佇盼褒爾遂秉觀圭某辱託為寮過
勤示問修戶庭之令有愧頌言寬田里之愁無忘
愛助

代回新順慶李知府鏗冬

書雲登觀願面慶於考祥至日閉閤辱手箋之却
謁敢憑尺牘就布寸扃恭惟某官心與氣游德隨
剛長出守數已六遠邁鄴侯之行年近古俗有三
喜見坡仙之歸里既新鳳律宜遙駕行至朔同日

謂之章章有慶矣壽考維祺介以福福履綏之某
欲旅賓綦先塵旅拒靜以待陰陽之定願致頌言
復其見天地之心即觀征吉

代回前權萬州趙守

昴星正冬式應堯時之授辛日書至允符魯觀之
占維時元帥之詩書茂介宜民之福祿恭惟某官
德潛剛克道配陽休雷在地中吉既亨於七日風
行水上身即近於五雲押駕行三點之班轉鴻鈞
八荒之氣某寸材線短一障冰寒牽牛之景丈三
寶窘蹊田之奪鳴鳳之笳七寸誰回嶮谷之温

回寶慶陳通判冲冬

清水出壑未皇瞻仲舉之興至日閉關乃倏領孟
公之牘既先施之不敏復倒置之可慙感君子之
鳴謙增小人之自訟恭惟某官德星維夏喜氣排
冬汗漫九垓共佇舊瓊之復翔翔半刺暫增新府
之雄召棠之蔭既成漢竹之符孔邇將恐合八能
於鸞馬殿徑當歸三點之鵷行某未遂披雲已深蒙
霧無蟹徒名於監郡不龜敢望於封侯蒙篤二郡
三武岡之情特有一紙十從事之况公歸無所亟
觀孔雀扇影之還德必有鄰尚憶狐貉緼袍之立

代回嘉興楊倅祖堯冬

圭日舒長頓覺牽牛之遠屏星絢彩益知展驥之
長諒當來復之辰不擁疇離之祉伏惟某官稟姿
溫厚賦政和明題別駕之輿流聲藉甚懷刺史之
綬闔境安之幸為嘉禾之民益廣甘棠之蔭某無
由面賀猥辱手書感佩高情藏但深於十襲嗻呵
凍筆報有愧於七襄

代回華亭錢宰德謙冬

律中黃鍾之宮是名天統身為赤縣之令蓋近日
畿動惟厥時利有攸往恭惟某官用儒飭吏以政
疑民一線初長技可伸於刀錦重緹方暖政肯急
於繭絲亟諧六鳳之笳遂振雙鳧之舄某濫紆朝
紱特辱賀緘真魚得書莫報五雲之體拂龜端策
但占七日之交

代回黃巖楊宰圭冬

魯臺紀瑞肇新太史之占楚縣分封曾為令尹之
喜恭惟某官天朝儀羽巖邑絃歌地氣浮葭新漢
庭之律呂岸容舒柳認陶令之風流屆此令辰宜
其遐福某寵勤下問愧未先施紅蠟塗金良照形
容之獨老黃柑喫玉仍慙口腹之累人

代回趙知縣冬

天運回壬萬物以之姓育斗柄插子一陽於是孽
生時維字民之官坐膺善治之福恭惟某官仁風
破臘喜氣排冬舒柳放梅散作河陽之煖吹竹生
黍薰爲嶰谷之和趙日之愛旣深堯雲之就何遠
某寸材綫短百念灰寒

爐固已重拜其細

更得三復之藏

回外縣賀冬

復其見天地之心小人恐矣誠者合內外之道君
子觀焉宜有陰騭之祥式介陽休之德伏惟某官

標四一

氣排冬凜政體春和坎維心身旣生芸而挺荔黍
交征吉將連茹以拔茅對柳舒梅放之辰擁松茂
竹苞之慶某幸叨聯事辱卑屬辭於我如浮雲臺
空登於魯觀其志在流水琴孰聽於園丘

普回州縣官賀冬

視朔登觀又逢十九歲之章測日候圭可愛一丈
三之日因微芒之陽德賀方穀之正人伏惟某官
毓秀昂躔垂光井絡噓物以氣旣挺荔以生芸贈
人以言亦連珠而合璧其考六日四分之鳳曆入
陪五更三點之駕行某睨彼牽牛眇焉負鶴天隅

把繡自知無一線之長漢女支機聊復效七襄之報

謝寄居鄉官賀冬

杓攜龍角天正肇新律轉鳳甯人時敬授有如是邦大夫之賢者宜曰子收好德而錫之恭惟某官和氣融冰脩名揭日放梅舒柳不妨泛栢以浮椒挺荔生芸行即披茅而連茹七日來復百祿是適某假守鄭鄉又登魯觀按箇旅不行之卦敬已閉關味形容獨老之時更思專壑徒拜嘉於錦繡莫效報於襜褕

謝同官賀冬

杓躔建子又屆新陽斗壘同寅有勤善頌惠而好我更以贈君恭惟某官明冰其相愛日之政靜以待陰陽之定盈則有孚復其見天地之心受之無妄式哀庖社不對龍光某獲託爲寮又逢亞歲十年之閱凋謝詎更思三點之朝萬物之隨開張惟當勉一箱之讀

回鄉官學職賀冬

聽六日四分之鳳律又見新陽詠五更三點之鴛行已迷舊夢茲勤善頌但愧過情恭惟某官語染

芸香氣薰葭葭瑄登觀以望自堪織雲漢之章閉關
而居亦足驗地雷之卦某寸材線短百念冰寒井
底之陽未回若為觀復江上之容獨老良感相親

回學職賀冬

杓網建子歷新五鳳之書魁首枕參祥應六龍之
邸對時道長即日言揚伏惟某人心醉六經志在
千里文史三冬之用既足三餘雲霄一握之程亟
觀一躍天葩既茂地芥坐收其一障灰寒百懷冰
冷不遠之復願歸飲顏子之瓢論秀而升尚或勸
某人之馬



先生四六標準卷之四十



回學職賀冬
先生四六標準卷之四十



圖書在版編目(CIP)數據

梅亭先生四六標準/[宋]李劉撰.—北京:北京圖書館出版社,2004.6

(中華再造善本)

ISBN 7-5013-2505-7

I. 梅… II. 李… III. 駢文—作品集—中國—宋代
IV. I222.5

中國版本圖書館CIP數據核字(2004)第050863號

ISBN 7-5013-2505-7



9 787501 325054 >

書名 梅亭先生四六標準(全十二冊)
著者 [宋]李劉 撰

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Btstxb@publicf.nlc.gov.cn

Website: www.nlcpress.com

造紙 華寶齋
印刷 杭州富陽古籍印刷廠

開本 八

印張 一六九

版次 二〇〇四年六月第一版第一次印刷

印數 一—二〇〇

書號 ISBN 7-5013-2505-7 / K·854

定價 五四一〇圓



E-mail: Btstxb@publicf.nlc.gov.cn

Tel: (010) 66151313 Fax: (010) 66174391

Website: www.nlcpress.com

